

## ZAPISNIK

sa 12. vanredne sjednice Senata Univerziteta održane 07.10.2009. godine sa početkom u 13,00 sati u sali za sjednice Rektorata Univerziteta u Tuzli

Sjednicom je predsjedavao prof.dr. Džemo Tufekčić – rektor Univerziteta u Tuzli.

*Sjednici su prisustvovali slijedeći članovi Senata:* prof.dr. Admedina Savković, prof.dr. Mirsad Donlagić, prof.dr. Snježana Marić, prof. Vlado Kerošević, prof.dr. Srđan Vukadinović, prof.dr. Nevzeta Salihović, doc.dr. Mirela Duranović, prof.dr. Reuf Kapić, doc.dr. Amir Tokić, doc.dr. Aljo Mujčić, prof.dr. Lejla Begić, prof.dr. Zlata Mujagić, prof.dr. Branimir Mikić, prof.dr. Alija Biberović, prof.dr. Azem Kožar, doc.dr. Bego Omerčević, prof.dr. Izet Alić, prof.dr. Ramiz Šelo, prof.dr. Farid Ljuca, prof.dr. Elmir Čičkušić, doc.dr. Hajro Kofre, prof.dr. Izudin Hasanović, prof.dr. Fehim Dedagić, prof.dr. Salih Kulenović, prof.dr. Abdulah Bašić, prof.dr. Mirjana Radić, Ismet Pirić, dipl.ecc., Edin Eminović, Azra Tinjić i Denis Talović, studenti.

*Sjednici nisu prisustvovali:* prof.dr. Izudin Kešetović, prof.dr. Izet Žigić i prof.dr. Muhamed Bijedić.

*Osim članova Senata sjednici su prisustvovali:* Jasmina Berbić, dipl.pravnik - generalni sekretar Univerziteta, doc.dr. Adnan Hodžić, predstavnik SVOZBiH TK, doc.dr. Zlatan Delić, mr.sc. Zlatan Begić, viši asistent i Mirsada Delić, dipl.pravnik – sekretar Senata.

Prilikom razmatranja predloženog dnevnog reda, na prijedlog Rektora i Generalnog sekretara Univerziteta, Senat Univerziteta prihvatio je proširenje dnevnog reda po tačkama: 1., 2.1. i 2.2., i 6.

Prof. Vlado Kerošević predložio je a Senat prihvatio, da se pod Tekućim pitanjima ponovo raspravi o Odluci Senata o Listi univerzitetskih opštih izbornih predmeta, zbog toga što Lista nije potpuna, odnosno nedostaje prijedlog sa Filozofskog fakulteta i Akademije dramskih umjetnosti.

Prof.dr. Farid Ljuca, dekan, predlagao je poništenje dijela objavljenog Konkursa za izbor saradnika na Medicinskom fakultetu i raspisivanje novog; mr.sc. Zlatan Begić, viši asistent predlagao je da se provede rasprava o nekim pitanjima vezano za studij Biologije i Hemije na Filozofskom fakultetu; prof.dr. Mirjana Radić takođe je predlagala raspisivanje Konkursa za izbor saradnika na Tehnološkom fakultetu.

Nakon navedenih prijedloga, Rektor Univerziteta skrenuo je pažnju predlagačima da ubuduće pripreme na vrijeme pisane materijale, a ne da sjednice Senata pretvaraju u proširene sastanke Kolegija Rektora, nakon čega je za ovu sjednicu utvrđen slijedeći

### DNEVNI RED

1. Donošenje Odluke o organizovanju trećeg upisnog roka po Konkursu za upis studenata u I godinu prvog ciklusa studija na Univerzitetu u Tuzli u akademskoj 2009/2010. godini, objavljenom u listu "Dnevni avaz" dana 02.07.2009. godine na fakultetima/Akademiji Univerziteta, na kojima ima slobodnih mjesta
2. Studentska pitanja
  - 2.1. Razmatranje zahtjeva Unije studenata Univerziteta u Tuzli za bezuslovni prelazak studenata iz III u IV godinu studija svih fakulteta na Univerzitetu u Tuzli, broj: 03-7824/09 od 06.10.2009. godine
  - 2.2. Razmatranje zahtjeva Unije studenata Univerziteta u Tuzli za odobrenje četvrtog dekanskog ispitnog termina na svim fakultetima Univerziteta u Tuzli, broj: 03-7826/09 od 06.10.2009. godine

3. Utvrđivanje redizajniranih naučnih oblasti na fakultetima/Akademiji Univerziteta u Tuzli sa primjenom od akademske 2009/2010. godine
4. Izbor vršioca dužnosti prorektora za pitanja naučno-istraživačkog rada Univerziteta u Tuzli
5. Informacija o podnesenoj ostavci dekana Filozofskog fakulteta Univerziteta u Tuzli
6. Informacija o upisu studenata u II godinu vezano za plaćanje školarine (primjena člana 125. stav 3. Zakona o visokom obrazovanju)
7. Tekuća pitanja i informacije
  - 7.1. Lista univerzitetskih opštih izbornih predmeta

## TAČKA 1.

### **DONOŠENJE ODLUKE O ORGANIZOVANJU TREĆEG UPISNOG ROKA PO KONKURSU ZA UPIS STUDENATA U I GODINU PRVOG CIKLUSA STUDIJA NA UNIVERZITETU U TUZLI U AKADEMSKOJ 2009/2010. GODINI, OBJAVLJENOM U LISTU "DNEVNI AVAZ" DANA 02.07.2009. GODINE NA FAKULTETIMA/AKADEMIJI UNIVERZITETA, NA KOJIMA IMA SLOBODNIH MJESTA**

Nakon razmatranja zahtjeva Naučno/Umjetničko-nastavnih vijeća Fakulteta/Akademije Univerziteta, Senat Univerziteta u Tuzli donio je

## ODLUKU

### I

Organizuje se III upisni rok za popunu upražnjenih mjesta po Konkursu za upis studenata u I godinu prvog ciklusa studija na Univerzitet u Tuzli u akademskoj 2009/2010. godini, objavljenom u listu "Dnevni avaz" dana 02.07.2009. godine na Fakultetima/Akademiji Univerziteta i to:

Red. broj	Naziv fakulteta/Akademije Odsjek	Redovni studij		Vanredni studij
		Finansiranje iz Budžeta TK	Uz plaćanje školarine	
1.	<b>Akademija dramskih umjetnosti</b>			<b>2</b>
	• Odsjek: Produkcija	-	-	2
2.	<b>Medicinski fakultet</b>			<b>25</b>
	• Visoka zdravstvena škola Studijski programi:			
	- Radiološka tehnologija	-	-	3
	- Medicinska protetika i ortotika	-	-	19
	- Sanitarno zdravstvo	-	-	3
3.	<b>Prirodno-matematički fakultet</b>	<b>11</b>	<b>29</b>	-
	• Odsjek: Fizika Studijski programi:			
	- profesor fizike	6	10	-
	- diplomirani fizičar	5	10	-
	• Odsjek: Hemija Studijski program:			
	- diplomirani hemičar	-	9	-

## II

Ova Odluka stupa na snagu danom donošenja, a objaviti će se na oglasnim pločama Fakulteta i WEB stranici Univerziteta.

### **TAČKA 2. STUDENTSKA PITANJA**

#### **2.1. Razmatranje zahtjeva Unije studenata Univerziteta u Tuzli za bezuslovni prelazak studenata iz III u IV godinu studija svih fakulteta na Univerzitetu u Tuzli, broj: 03-7824/09 od 06.10.2009. godine**

Nakon razmatranja zahtjeva Unije studenata Univerziteta u Tuzli za bezuslovni prelazak studenata iz III u IV godinu studija svih fakulteta na Univerzitetu u Tuzli, broj: 03-7824/09 od 06.10.2009. godine, Senat Univerziteta donio je

#### **2.1. O D L U K U**

##### I

Odobrava se bezuslovni prelazak iz III u IV godinu studija studentima fakulteta Univerziteta u Tuzli na kojima stari nastavni plan i program sustiže novi nastavni plan i program i to:

1. Edukacijsko-rehabilitacijski fakultet,
2. Fakultet elektrotehnike,
3. Filozofski fakultet,
4. Fakultet tjelesnog odboja i sporta,
5. Mašinski fakultet,
6. Medicinski fakultet,
7. Rudarsko-geološko-građevinski fakultet i
8. Tehnološki fakultet.

#### **2.1.1. O D L U K U o bezuslovnom prelasku studenata iz III u IV i IV u V godinu studija na Farmaceutskom fakultetu Univerziteta u Tuzli u akademskoj 2009/2010. godini**

##### I

Odobrava se bezuslovni prelazak iz III u IV i IV u V godinu studija studentima Farmaceutskog fakulteta Univerziteta u Tuzli u akademskoj 2009/2010. godini i to:

1. Studenti III godine studija mogu preći u IV godinu ukoliko imaju položene sve ispite iz II godine studija i najviše 4 jednosemestralna ispita iz III godine, te ispite iz nastavnih predmeta Farmakognozija I i Farmakognozija II (4+2).
2. Studenti IV godine studija mogu preći u V godinu ukoliko imaju položene sve ispite iz III godine studija, izuzev predmeta Farmakognozija I i Farmakognozija II i najviše 4 jednosemestralna ispita iz IV godine (4+2).

##### II

Ova Odluka objavit će se na oglasnim pločama fakulteta i WEB stranici Univerziteta u Tuzli.

## **2.2. Razmatranje zahtjeva Unije studenata Univerziteta u Tuzli za odobrenje četvrtog dekanškog ispitnog termina na svim fakultetima Univerziteta u Tuzli, broj: 03-7826/09 od 06.10.2009. godine**

Nakon razmatranja zahtjeva Unije studenata Univerziteta u Tuzli za odobrenje četvrtog dekanškog ispitnog termina na svim fakultetima Univerziteta u Tuzli, broj: 03-7826/09 od 06.10.2009. godine, Senat Univerziteta donio je slijedeći

### **2.2. ZAKLJUČAK**

1. Zadužuju se dekani fakulteta/Akademije Univerziteta u Tuzli da nakon sačinjene analize prolaznosti i ukazane potrebe organizuju dekanški – socijalni termin za akademsku 2008/09. godinu.
2. U ispitnom terminu iz zaključka 1. studenti mogu polagati ispite iz maksimalno dva nastavna predmeta, u koliko im je to neophodno za sticanje uslova za prelazak u narednu godinu studija.
3. Ispitni termin mora se okončati do 19.10.2009. godine.

### **TAČKA 3.**

#### **UTVRĐIVANJE REDIZAJNIRANIH NAUČNIH OBLASTI NA FAKULTETIMA/AKADEMIJI UNIVERZITETA U TUZLI SA PRIMJENOM OD AKADEMSKE 2009/2010. GODINE**

Ured za nastavu i studentska pitanja pripremio je video-prezentaciju redizajniranih naučnih oblasti na fakultetima Univerziteta u Tuzli, sa primjenom od akademske 2009/2010. godine. Istovremeno, svim fakultetima dostavljena je i elektronska verzija, a Senatu Univerziteta i Izvještaj o provedenim aktivnostima za svaki fakultet/Akademiju Univerziteta. Nakon obavljene rasprave po video-prezentaciji, konstatovano je da pojedini fakulteti moraju izvršiti manje korekcije koje su iznesene na sjednici Senata i iste čine sastavni dio ovog Zapisnika. Nakon obavljene rasprave Senat Univerziteta donio je

### **3. ODLUKU**

#### **o utvrđivanju redizajniranih naučnih oblasti na fakultetima/Akademiji Univerziteta u Tuzli sa primjenom od akademske 2009/2010. godine**

#### **I**

Utvrđuju se redizajnirane naučne oblasti na fakultetima/Akademiji Univerziteta sa primjenom od akademske 2009/2010. godine za:

- Akademiju dramskih umjetnosti,
- Edukacijsko-rehabilitacijski fakultet,
- Ekonomski fakultet,
- Fakultet elektrotehnike,
- Farmaceutski fakultet,
- Fakultet za tjelesni odgoj i sport,
- Filozofski fakultet,
- Mašinski fakultet,
- Medicinski fakultet,
- Pravni fakultet,
- Prirodno-matematički fakultet,
- Rudarsko-geološko-građevinski fakultet,
- Tehnološki fakultet.

## II

Redizajnirane naučne oblasti čine sastavni dio ove Odluke.

## III

Ova Odluka zajedno sa redizajniranim naučnim oblastima objavit će se na WEB stranici Univerziteta u Tuzli.

U vezi sa navedenom Odlukom, doneseni su:

### 3.1. ZAKLJUČAK

Zadužuju se dekani fakulteta Univerziteta u Tuzli, da do ponedjeljka, 12.10.2009. godine izvrše korekcije u redizajniranim naučnim oblastima, utvrđenim na sjednici Senata održanoj 07.10.2009. godine i iste dostave Uredu za nastavu i studentska pitanja, uz ovjeru svake stranice dostavljenog materijala.

### 3.2. ZAKLJUČAK

Zadužuju se dekani fakulteta/Akademije Univerziteta u Tuzli, da u vezi sa Odlukom Senata Univerziteta broj: 03-7530-3/09 od 07.10.2009. godine, o utvrđenim redizajniranim naučnim oblastima sa primjenom od akademske 2009/2010. godine, a do definisanja matičnosti, vrše potrebna prethodna usaglašavanja kod povjere nastave, izbora nastavnika i saradnika i postupcima sticanja naučnih stepena magistra i doktora nauka na Univerzitetu u Tuzli.

## TAČKA 4.

### IZBOR VRŠIOCA DUŽNOSTI PROREKTORA ZA PITANJA NAUČNO-ISTRAŽIVAČKOG RADA UNIVERZITETA U TUZLI

Senat Univerziteta informisan je, da je zaposleniku dr.sc. Enveru Mandžiću, redovnom profesoru i dosadašnjem prorektor za pitanja NIR-a prestao Ugovor o radu sa 30.09.2009. godine, zbog ispunjavanja uslova za odlazak u penziju po osnovu navršenih 40 godina staža osiguranja.

U vezi sa navedenim, a na osnovu ukazane potrebe, potrebno je provesti proceduru i izabrati v.d. prorektora za pitanja naučno-istraživačkog rada.

Generalni sekretar Univerziteta podsjetila je da još uvijek nismo dobili saglasnost Vlade TK na prijedlog Statuta Univerziteta u Tuzli, i da su u istom razrađena proceduralna pitanja. Međutim, i pored toga smata da možemo izabrati v.d. prorektora. Pročitala je odredbe člana 27. i 29. Zakona o Univerzitetu, člana 59. Zakona o visokom obrazovanju, člana 235. Pravila Univerziteta u Tuzli, nakon čega je na upit Rektora, Senat bio saglasan da se procedura provede.

Senat Univerziteta donio je

**4.**

**O D L U K U**

**o imenovanju Komisije za provođenje postupka tajnog glasanja za izbor vršioca dužnosti Prorektora za pitanja naučno-istraživačkog rada Univerziteta u Tuzli**

**I**

Imenuje se Komisije za provođenje postupka tajnog glasanja za izbor vršioca dužnosti Prorektora za pitanja naučno-istraživačkog rada Univerziteta u Tuzli, u sastavu:

1. dr.sc. Mirjana Radić, redovni profesor, predsjednik,
2. dr.sc. Izudin Hasanović, vanredni profesor, član i
3. dr.sc. Aljo Mujčić, docent, član.

Rektor Univerziteta utvrdio je pismeni prijedlog za tri kandidata za v.d. prorektora za pitanja NIR-a Univerziteta u Tuzli, po grupacijama. Nakon toga, pripremljeni su glasački listići za provođenje tajnog glasanja, sačinjen je spisak članova Senata koji su pristupili glasanju, a kojima je prilikom ulaska u prostoriju za glasanje predat glasački listić za provođenje tajnog glasanja.

Nakon provedenog tajnog glasanja, Komisija je sačinila Izvještaj o provedenom glasanju i isti saopštila Senatu Univerziteta:

Ukupno je glasalo 30 članova Senata.

Punovažnih glasačkih listića bilo je 29.

Nevažećih glasačkih listića bilo je 1.

Kandidati za vršioca dužnosti prorektora za pitanja naučno-istraživačkog rada Univerziteta u Tuzli dobili su slijedeći broj glasova:

1. dr.sc. Rifet Terzić, red.prof. – 3 glasa,
2. dr.sc. Enver Halilović, red.prof. – 8 glasova,
3. dr.sc. Edin Delić, vanr.prof. - 18 glasova.

Konstatovano je da je dr.sc. Edin Delić, vanr.prof. dobio natpolovičnu većinu glasova od ukupnog broja članova Senata, nakon čega je Senat Univerziteta donio

**4.**

**O D L U K U**

**o izboru vršioca dužnosti Prorektora za pitanja naučno-istraživačkog rada Univerziteta u Tuzli**

**I**

Dr.sc. Edin Delić, vanredni profesor Univerziteta u Tuzli, bira se za vršioca dužnosti Prorektora za pitanja naučno-istraživačkog rada Univerziteta u Tuzli, počev od 08.10.2009. godine.

**II**

Vršilac dužnosti ima sva prava i dužnosti prorektora.

**III**

Vršilac dužnosti prorektora bira se do izbora prorektora, a najduže šest (6) mjeseci od dana izbora za vršioca dužnosti.

**IV**

Ova Odluka stupa na snagu danom donošenja.

## **TAČKA 5.**

### **INFORMACIJA O PODNESENOJ OSTAVCI DEKANA FILOZOFSKOG FAKULTETA UNIVERZITETA U TUZLI**

Nakon upoznavanja sa Informacijom dekana Filozofskog fakulteta Univerziteta u Tuzli broj: 01-7378 od 02.10.2009. godine, Rektor Univerziteta zahvalio se dekanu Filozofskog fakulteta na dosadašnjem radu i saradnji. S obzirom da se dalja procedura ima provesti na Filozofskom fakultetu, Senat Univerziteta donio je slijedeći

## **5. ZAKLJUČAK**

Prima se k znanju Informacija dr.sc. Azema Kožara, redovnog profesora, o podnesenoj ostavci na funkciju dekana Filozofskog fakulteta Univerziteta u Tuzli.

## **TAČKA 6.**

### **INFORMACIJA O UPISU STUDENATA U II GODINU VEZANO ZA PLAĆANJE ŠKOLARINE (PRIMJENA ČLANA 125. STAV 3. ZAKONA O VISOKOM OBRAZOVANJU)**

Generalni sekretar Univerziteta informisala je Senat da su pomoćnici generalnog sekretara pismenim putem zatražili uputstvo u vezi sa upisom studenata u II godinu, vezano za plaćanje školarine (primjena člana 125. stav 3. Zakona o visokom obrazovanju i člana 206. tačka 4. Statuta), da je održan zajednički sastanak i da nedonošenje Statuta otvara dosta problema.

Nakon obavljene rasprave Senat Univerziteta donio je

## **6. ODLUKU**

### **I**

Odobrava se redovnom studentu, koji se samostalno finansira i koji u toku akademske godine ostvari uslov za upis u narednu godinu, da se može u narednoj školskoj godini finansirati iz Budžeta.

### **II**

Odluka stupa na snagu danom donošenja.

**TAČKA 7.**

**TEKUĆA PITANJA I INFORMACIJE**

**7.1. Lista univerzitetskih opštih izbornih predmeta za akademsku 2009/2010. godinu**

Na prijedlog prof. Vlade Keroševića, dekana, tačka 7.1. trebala je biti razmatrana zbog dopune prijedloga sa Filozofskog fakulteta i Akademije dramskih umjetnosti, međutim o istoj nije vođena rasprava zbog dužine trajanja sjednice Senata Univerziteta, koja je završena u 19,00 sati.

**ZAPISNIK SAČINILA**

**Mirsada Delić, dipl.pravnik**

**UNIVERZITET U TUZLI**

**Broj: 03-7530-1/09.**

**Tuzla, 07.10.2009. godine**

**PREDSJEDNIK  
SENATA UNIVERZITETA**

**Dr.sc. Džemo Tufekčić, red.prof.**